



Isalathiso: 20211130-8394
Inombolo yefayili 12/2/10/3
Imibuzo: M Wiese

Ingcaciso eMfutshane yeCandelo loLawulo loLwazi neNgcaciso: 0001/2022

Iya: KuBalawuli abaziiNtloko, kuBalawuli (kwaNdlunkulu nakwii-ofisi zezithili), kuBaphathi beeSekethe nakwiNqununu zezikolo zikarhulumente eziqhelekileyo nezezikolo ezizimeleyo

Isihloko: ISaveyi eQuphayo (SNAP Survey) ka-2022 yeSebe leMfundo leNtshona Koloni (WCED) yezikolo zikarhulumente eziqhelekileyo nezikolo ezizimeleyo

1. ISaveyi eQuphayo (SNAP Survey) yezikolo zikarhulumente eziqhelekileyo neyezikolo ezizimeleyo iya kusetyenziselwa ukulawulwa nokuphathwa kwezikolo, kwakunye nokukhutshwa kwezibonelelo ukulungiselela u-2022.
2. ISaveyi eQuphayo mayizaliswe yaye isayinelwe yinqununu kwi-CEMIS ngowe-**01 Februwari 2022** (usuku lweshumi lwesikolo).
3. Phambi kokusayinelwa kwayo kwi-CEMIS, inqununu mayiqinisekise oku kulandelayo:
 - a) Bonke abafundi ababhalisiweyo nabahamba isikolo ngo-2022 mabavele kwibakala nakwiklasi echanekileyo yabo kwi-CEMIS.
 - b) Nabaphi na abafundi ebekulindeleke ukuba babuyele esikolweni, kodwa abafika esikolweni ukuza kubhalisa kwade kwadlula owe-01 Februwari 2022, bayakhutshwa ezincwadini ngokungqinelana nomgaqo-nkqubo wokuhamba isikolo kwabafundi. (Aba bafundi banokubhaliswa kwakhona kwi-CEMIS ukuba beza kubhalisela ukwamkelwa esikolweni emva kwe-01 Februwari 2022.)
 - c) Abafundi abaswelekileyo bayakhutshwa ezincwadini yaye "umhla wokusweleka" ubhalwe njengoko uchaziwe kwisatifikethi sokusweleka.
 - d) Ilisti yootitshala/yeepraktishina ezikwi-CEMIS mayihlaziye yaye ingqinisiswe, njengokuba injalo ngowe-01 Februwari 2022, yaye kungqinisiswe nemeko yokuqeshwa kwabo.
 - e) Icandelo lokusayinelwa kwesaveyi malizaliswe ukuvuma ukungqinisiswa kwedatha njengebonakalisa ngokuchanekileyo inani lobhaliso labafundi kunye nenani labasebenzi (*staff*), njengokuba linjalo ngowe-01 Februwari 2022.

- f) Kukhunjuzwa iinqununu ngendima yazo njengamagosa asingethe i-*Education Management Information System (EMIS)* kumaziko yaye kufuneka ziqinisekise ukuba ingcaciso efakwe ekhompuytheni ngethuba leSaveyi eQuphayo ibonisa ngokuchanekileyo amanani abafundi nawabasebenzi esikolweni ngolo suku.
- g) Iinqununu maziqinisekise ngokungaphezulu ukuba amanani abafundi afakwe kwiSaveyi yeSNAP achanekile, njengoko iimposiso yokungachaneki kwamanani abafundi ithathelwa ingqalelo njengesenzo sobuqhophololo.
4. Ukuncedisa ukungqinisiswa kwedatha yabafundi neyootitshala yesikolo, kukho iqela leengxelo zeemposiso ezifumanekayo eziya kukukhokela ukuchaneka kwedatha ekhoyo efakwe kwi-CEMIS.
 5. Kucelwa niqinisekise ukuba zonke iimposiso eziboniswe zezi ngxelo ziyasonjululwa phambi kokuba zisayinelwe iingxelo.
 6. Umhla osikiweyo olungiselelwe abaphathi beesekethe ukuba basayinele idatha yeSaveyi eQuphayo (*SNAP Survey data*) yi-**08 Februwari 2022**. Abaphathi beesekethe kuya kufuneka babeke esweni inkqubela yaye abasayi kuba nako ukusayinela iisethi zeedatha zesaveyi ukuba kusekho iimposiso nalapho iinqununu zingazisayinelanga iiSaveyi eziQuphayo (*SNAP surveys*) zazo .
 7. Ikhona ingxelo yeCEMIS efumanekayo ukuqaphela abafundi abangenazimbolo zezazisi (*IDs*) nokulungiselela ukufakwa ekhompuytheni kweenombolo zezazisi (*ID*) ezingekhoyo. Niyacelwa nimcebise umzali ngenkqubo yokwenza isicelo sesazisi (*ID*) kwiSebe leMicimbi yezeKhaya (*DHA*), ukuba umfundi akanayo inombolo yesazisi (*ID*) esemthethweni. Ziyacelwa iinqununu zibancedise abazali, apho kunokwenzeka oku, ngokuthi ziyiququzelele le nkqubo kwiSebe i-DHA.
 8. Apho kuye kwakho naziphi na iingxaki ekuzalisweni kwale saveyi, niyacelwa niqhagamshelane nomphathi weseke the ochaphazelekayo okanye negosa lesithili elidweliswe apha ngezantsi:

ISITHILI	IGOSA LESITHILI	INOMBOLO YEFONI	I-IMEYILI
<i>Metro North</i>	Bhekumusa Nombela	021 938 3101	Bhekumusa.Nombela@westerncape.gov.za
<i>Metro Central</i>	Anita McGrath Tercia Southgate	021 514 6751 021 514 6737	Anita.Mcgrath@westerncape.gov.za Tercia.Southgate@westerncape.gov.za
<i>Metro South</i>	Anastasia Kinnear Masixole Stofile	021 370 2120 021 370 2106	Anastasia. Kinnear@westerncape.gov.za Masixole.Stofile@westerncape.gov.za

<i>Metro East</i>	Buseka Ndinisa Thembeke Dlamini	021 900 7305 021 900 7011	Buseka.Ndinisa@westerncape.gov.za Thembeke.Dlamini@westerncape.gov.za
<i>West Coast</i>	Kurt Lewis (Acting)	021 860 1202	Kurt.Lewis@westerncape.gov.za
<i>Cape Winelands</i>	Kevin Van Eeden Shamiel Abrahams	023 348 0635 023 348 0655	Kevin.vanEeden@westerncape.gov.za Shamiel.Abrahams@westerncape.gov.za
<i>Overberg</i>	Suzanne Braaf	028 214 7411	Suzanne.Braaf@westerncape.gov.za
<i>Eden & Central Karoo</i>	Romelda America Keith Zibi	044 803 8367 044 803 8346	Romelda.America@westerncape.gov.za Keith.Zibi@westerncape.gov.za

9. Umgangatho wedatha ye-EMIS uya kunxityelelaniswa neentlawulo zemimiselo nemigangatho ezenziwe ngoomatshini (*norms and standards transfer payments*). Iingxelo zokuthotyelwa kwemigaqo yedatha ye-EMIS ziya kufumaneka kwiinqununu ngokungena kwi-CEMIS. Iinqununu zimele ukuququzelela iinkqubo zeSaveyi yeSNAP ukuqinisekisa ukuchaneka kwedatha efakiweyo, nokugqitywa ngexesha kwanokusayinelwa kwayo ngokufanelekileyo.
10. ICandelo loLawulo loLwazi neNgcaciso liya kubeka esweni ukuthotyelwa kwale nkqubo, nomgangatho wedatha engenisiweyo nokusayinelwa kweSaveyi yeSNAP engenisiweyo yaye liya kunika ingxelo ngako konke ukungathotyelwa kwale nkqubo, ukungangqinelani nokungapheleli kwayo idatha kwiNtloko yeSebe leMfundo.
11. Ziyakhunjuzwa izikolo ezizimeleyo eziqhelekileyo ukuba maziyazi imimiselo yobhaliso yazo. Makuqatshelwe ukuba ukulandela mbo iimfuno zedatha zeSebe iWCED kuyinxalenye yale mimiselo yaye ukungathotyelwa kwayo kunokukhokelela ekubeni izikolo zikhutshwe ezincwadini.
12. ISebe leMfundo leNtshona Koloni liyalithakazelela igalelo nokuzimisela kwawo onke amagosa ezemfundo yaye liyijonge ngethemba intsebenziswano yenu eqhubeka okoko ngo-2022.

ISAYINWE: NGU-MS ABRAHAMS

USEKELA MLAWULI-JIKELELE WOCWANGCISO LWEMFUNDO

UMHLA: 2021-12-10